

O'zbekistonda shamol energiyasi bo'yicha kafolat

Mamlakat: **O'zbekiston**

Loyiha raqami: **52114**

Faoliyat sohasi: **Energetika (Energy Eurasia MEA)**

Bildirishnoma turi: **Davlat**

Ekologik toifasi: **B**

Tasdiqlangan kuni: **2022-yil, 20-iyul**

Qaysi bosqichdaliqi: **Tuzilma bo'yicha muhokamadan o'tgan, yakuniy muhokamani kutmoqda**

Loyihaning qisqacha mazmuni chop etilgan sana: **2022-yil 18-may**

Loyiha mazmuni

YTTB O'zbekistondagi shamol energetikasi loyihalari bo'yicha energiya oldi-sotdi shartnomalarida elektr energiyasining sotib oluvchisi hisoblangan "O'zbekiston milliy elektr tarmoqlari" aksiyadorlik jamiyatiga (O'MET yoki xaridor) o'z majburiyatlarini qo'llab-quvvatlashi uchun 24 million AQSH dollarigacha bo'lgan miqdorda kafolat berish imkoniyatini ko'rib chiqmoqda.

Ushbu kafolatning 8 million AQSH dollari miqdoridagi birinchi transhi (1-transh) tender natijasida yutib olingan Qoraqalpog'istondagi 100 MV kuchlanishli shamol elektr stansiyasi uchun tajriba loyihasi bo'yicha xaridorning majburiyatlarini ta'minlash uchun taqdim qilinadi. Uning 16 million AQSH dollari miqdoridagi ikkinchi transhi (2-transh) esa, 200 MV kuchlanishli shamol elektr stansiyasi uchun 2-tender g'olibining majburiyatlarini qoplash uchun mo'ljallangan.

Loyiha maqsadi

Maqsad – O'zbekistonda rivojlanib borayotgan qayta tiklanuvchi energiya manbalari sektoriga kiruvchi xususiy investorlarga qo'shimcha mablag'lar bilan ko'maklashish hamda mamlakatda 2GV kuchlanishli shamol elektrostansiyalari bo'yicha tenderlarning jadallashuviga yordam berishdir.

O'tish davri ta'siri

Mazkur loyiha raqobatbardoshlikni oshirishga o'z hissasini qo'shadi, chunki likvidlikni qo'llab-quvvatlashning ushbu innovatsion tuzilmasi xalqaro shamol energetikasini sohasiga ixtisoslashgan kompaniyalarning O'zbekistonda rivojlanib borayotgan qayta tiklanuvchi energiya manbalari sektoriga bo'ladigan qiziqishini oshirishi bilan birga qayta tiklanuvchi energiya sohasida sof raqobat bo'lishiga yordam beradi. Shuningdek, bu loyiha yashil iqtisodiyotda o'zining sezilarli o'rniga ega bo'ladi, xususan likvidlikni qo'llab-quvvatlashning ushbu mexanizmi doirasida ishlab chiqiladigan shamol energetikasi loyihalari atmosferaga karbonat angidrid chiqindilarining oldini olishi barobarida O'zbekistonning past uglerodli yo'l asosida iqtisodiy rivojlanishiga yordam beradi.

Mijoz haqida

O'ZBEKISTON SUVEREN

YTTBdan ajratiluvchi moliyaviy mablag'lar

24 000 000,00 AQSH dollari

Loyihaning umumiy qiymati

24 000 000,00 AQSH dollari

Ekologik-ijtimoiy xulosa

B (ESP 2019) toifasi berilgan va xavf-xatar darajasi past deb topilgan. Chunki, bunda YTTB shamol energetikasi loyihalarini moliyalashtirayotgani yo'q va bu cheklangan ekologik va ijtimoiy ta'sir bilan bog'liq bo'lgan elektr energiyasini sotib oluvchi uchun kafolat bilan bog'liq hisoblanadi. O'MET YTTBning joriy mijozi sanalib, u 2018 va 2019-yillarda majmuaviy korporativ ekologik va ijtimoiy ekspertizadan ("ESDD") o'tgan. Bu ekspertiza esa, O'MET atrof muhitni muhofaza qilish va ijtimoiy himoya sohasidagi milliy qonunchilik asosida faoliyat ko'rsatishini hamda unda YTTB Ekologik va ijtimoiy siyosati ("ESP") bo'yicha loyiha talablariga muvofiq loyihalarni amalga oshirish uchun institutsional imkoniyati borligini tasdiqladi. Joriy loyiha uchun kompyuterda ichki ekologik va ijtimoiy ekspertiza ("ESDD") o'tkazilmoqda va bu ekspertiza atrof muhit muhofazasi va xavfsizlik bo'yicha me'yoriy talablar, xususan, ekologik va ijtimoiy boshqaruv tizimlari, xodimlar mehnat muhofazasi va xavfsizligi, manfaatdor tomonlar bilan o'zaro hamkorlik bo'yicha yuqori darajadagi muvofiqlik sharhini va avvalgi loyihalar uchun ma'qullangan korporativ Ekologik va ijtimoiy harakatlar rejasini ("ESAP") amalga oshirishdagi tegishli yutuqlarni o'z ichiga oladi. Ushbu loyihaning qisqacha mazmuni ESDD yakunlangandan keyin yangilanadi.

Bank institutsional salohiyatni mustahkamlash doirasida shamol elektr stansiyalarini rivojlantirish uchun qator mezonlarni o'rnatishga intiladi, jumladan ilg'or tajribaga tayangan holda, qushlar faunasini tegishli tarzda baholaydi. Bu baholashni homiylar o'z yetkazib beruvchilaridan talab qilishlari kerak bo'ladi. Elektr energiyasini sotish bilan bog'liq har qanday ehtimoliy ekologik va ijtimoiy xavf-xatarlarni baholash va boshqarish homiylar tomonidan YTTBning Ekologik va ijtimoiy siyosatiga muvofiq amalga oshirilishi zarur.

Texnik ko'mak

Texnik ko'mak mablag'lari loyihaga tayyorgarlik ishlari va uni amalga oshirishga yordam tariqasida so'ralishi mumkin.

Qo'shimchalilik sharti

Bank hozirda moliyalashtirishning mahalliy bozorda mavjud bo'lmagan shartlardagi innovatsion tuzilmasini taklif qiladi. Bank xaridorning to'lov bilan bog'liq bo'lmagan xavf-xatarlarini kamaytirgan holda investorlar uchun qulaylikni ta'minlab beradi. Ushbu loyiha uzoq muddatli istiqbolda kompaniyaning moliyaviy barqarorligini ta'minlash maqsadida "O'zbekiston milliy elektr tarmoqlari" aksiyadorlik jamiyatining kredit to'lash salohiyatini oshirish bo'yicha siyosiy muloqotga yo'naltirilgan texnik ko'makni ham o'z ichiga oladi.

Kompaniyaga murojaat qilish uchun ma'lumot

Akmal Abbasov
dwwipp@uzbekistonmet.uz
+998 71 208 56 61

O'tish davri nima

O'tish davri ta'sirini baholash bo'yicha YTTB yondashuvi haqidagi qo'shimcha ma'lumotni [mana bu havoladan](#) olishingiz mumkin.

Loyihalarda ishtirok etish uchun imkoniyatlar

Loyihada yoki xaridlarda ishtirok etish uchun mijoz kompaniyaga murojaat qiling.

YTTB bilan (xaridlarga oid bo'lmagan masalalarda) hamkorlik qilish uchun quyidagi telefon yoki elektron pochta orqali bog'laning:

Tel: +44 20 7338 7168
E-manzil: projectenquiries@ebrd.com

Davlat sektoridagi loyihalar uchun [YTTB xaridlari](#) sahifasiga o'ting:

Tel: +44 20 7338 6794
E-manzil: procurement@ebrd.com

Umumiy ma'lumotlar

Aniq so'rovlar [YTTB so'rovlar shakli](#)dan foydalangan holda berilishi mumkin.

Ekologik va ijtimoiy siyosat (ESP)

YTTB o'zining "ekologik jihatdan mas'ul va barqaror rivojlantirish" tashabbusini ilgari surishda [Ekologik va ijtimoiy siyosat](#) va uning tarkibiy qismi bo'lgan loyiha talablari (PR) Bank loyihasini amalda qo'llash tartibini belgilab beradi. ESP va PR tegishli milliy qonunchilik doirasida Bank mijozlarining keng jamoatchilikka axborot berishi va maslahatlashishini ta'minlash, shuningdek manfaatdor tomonlarning xavotirlari va shikoyatlarini, ayniqsa, ekologik va ijtimoiy muammolarni ko'rib chiqish va hal qilishga yordam beradigan mexanizmn yaratishdagi aniq talablarni o'z ichiga oladi. Loyihaning ekologik va ijtimoiy risklarni va ta'sirining mohiyati va ko'lamidan kelib chiqqan holda, zarurat tug'ilganda, YTTB o'z

mijozlaridan qo'shimcha ravishda loyihalarning risklarni va ta'sirlari haqida ma'lumotni oshkor qilishni, shuningdek, manfaatdor tomonlar bilan batafsil fikr almashish va muammolar yuzasidan choralar ko'rilishini talab qiladi.

Bu sohada YTTBning tajribasi bo'yicha qo'shimcha ma'lumotlar ESPning quyidagi [sahifasida](#) keltirilgan.

Ish faoliyatidagi halollik va belgilangan me'yorlarga rioya qilish

YTTBning muvofiqlik nazorati boshqarmasi (OCCO) Bankda mas'uliyatli boshqaruvga ko'maklashish bilan birga Bank faoliyatining barcha jabhalarida eng yuqori standartlarda ish olib borilishini va barcha jarayonlar ilg'or xalqaro tajribalarga muvofiq bo'lishini ta'minlaydi. Bankning barcha mijozlari uchun ularning ish faoliyatidagi halolligini tekshirishdan maqsad, Bank loyihalari uchun qabul qilinishi mumkin bo'lmagan huquqiy va nufuzga oid risklarga yo'l qo'yilmaslikdan iborat. Bank nuqtai nazariga ko'ra, loyihani dastlabki baholash va tasdiqlash bosqichida muammoli jihatlarni aniqlash va ularni bartaraf qilish Bank faoliyati nufuziga putur yetkazmaslikning eng samarali vositasidir. OCCO ushbu profilaktika chora-tadbirlarida muhim ahamiyatga egaligi bilan birga investitsiya qilinganidan keyingi davrda Bankning nufuziga xavf soladigan risklarni nazorat qilishga yordam beradi.

OCCO, shuningdek, YTTB tomonidan moliyalashtirilayotgan loyihalar doirasidagi firibgarlik, korrupsiya va lavozimni suiiste'mol qilish bo'yicha ma'lumotni tekshiruvchi mas'ul hisoblanadi. Agar kimningdir Bank ichida yoki undan tashqarida firibgarlik yoki korrupsiya holatlari kuzatilayotganligi haqida gumoni bo'lsa, u muvofiqlik nazorati boshqarmasi boshlig'iga bu holat haqida yozma tarzda compliance@ebrd.com elektron pochta orqali xabar qilishi lozim. Barcha bildirilgan daliliy ma'lumotlar tegishli choralar ko'rish uchun OCCO tomonidan ko'rib chiqiladi. Barcha xabarlar, shu jumladan anonim tarzdagi xabarlar ham tekshirib chiqiladi. Bu turdagi xabarlar istalgan tilda, jumladan Bank faoliyat ko'rsatayotgan mamlakatdagi rasmiy tilda tayyorlanishi mumkin. Bunday ma'lumotlar yaxshi niyatni ko'zlashi maqsadga muvofiqdir.

Axborotdan erkin foydalanish siyosati (AIP)

2020-yilning 1-yanvarida kuchga kirgan IAP YTTBning strategiyalari, siyosatlari va amaliyotlarini yaxshiroq tushunish va bilishga ko'maklashish uchun manfaatdor tomonlarga ma'lumotlarni ochiqlash bilan birga maslahatlashuvlar tartibini belgilab beradi. YTTB veb-saytidan qanday ma'lumotlar olish mumkinligini bilish uchun [Axborotdan foydalanish siyosati](#) sahifasiga o'ting.

Muayyan savollaringizni [YTTBning ma'lumot so'rovi](#) orqali yuborishingiz mumkin..

Loyiha hisobdorligi mustaqil mexanizmi (IPAM)

Agar jismoniy yoki yuridik shaxslarning ekologik-ijtimoiy sohadagi yoki axborotni oshkor qilish borasidagi xavotirlarini (masalan, loyiha darajasida mijozlar tomonidan yaratilgan shikoyatlar mexanizmi yoki Bankning amaliyot boshqaruvi bilan bevosita o'zaro aloqa qilish orqali) qanoatlantirishga bo'lgan urinishlari samarasiz bo'lsa, ular YTTBning Loyiha hisobdorligi mustaqil mexanizmi ya'ni IPAM yordamida o'zlarining o'sha xavotirlarini bildirishlari mumkin.

IPAM, arizachilarning fikriga ko'ra, zarar yetkazishga ulgurgan yoki kelajakda zarar yetkazishi mumkin bo'lgan loyihaning muammolarini mustaqil ravishda baholaydi. Ushbu mexanizmning maqsadi loyihaning manfaatdor tomonlari o'rtasida ekologik, ijtimoiy va axborotni ommaviy oshkor qilish bo'yicha muammolarini hal etishdagi murosani qo'llab-quvvatlash, Bank o'zining [Ekologik va ijtimoiy siyosatiga](#) yoki [Axborotdan erkin foydalanish siyosati](#)ning loyihaga oid tartiblariga rioya qilayotganini tekshirish va zarur hollarda, kelajakda ushbu qoidalarga rioya qilmaslik holatlarini bartaraf etish, shuningdek, Bank tomonidan kelgusida bunday holatlarning oldini olishdan iborat.

IPAM va uning vakolatlari haqida batafsil ma'lumot olish, ko'rib chiqilishi kerak bo'ladigan [shikoyatlarni jo'natish](#) uchun [Loyihalar bilan bog'liq shikoyatlarni ko'rib chiqish mexanizmi vebsaytiga](#) kirishingiz yoki tavsiyalar olish hamda IPAM haqida qo'shimcha ma'lumot olish va shikoyat jo'natish uchun ipam@ebrd.com elektron pochta orqali biz bilan bog'lanishingiz mumkin.